

**- UPRAVNI ODBOR -**

Broj: 02-116... /19

Sarajevo, 28. 11. 2019. godine

Z A P I S N I K**SA 21. REDOVNE SJEDNICE UPRAVNOG ODBORA INTEGRIRANOG
UNIVERZITETA U SARAJEVU
ODRŽANE 28. 11. 2019. GODINE S POČETKOM U 14:00 SATI**

Prisutni članovi Upravnog odbora: dr. sc. Murat Ramadanović, predsjednik, gđa Sandra Začinović, prof. dr. Jasminka Gradašćević-Sijerčić, prof. dr. Dijana Avdić, akad. prof. dr. Dejan Milošević, prof. ddr. Lidija Zvačko, prof. dr. Kasim Bajrović, prof. dr. Abidin Deljanin i Mirsad Kadić.

Odsutni članovi Upravnog odbora: dr. sc. Mersiha Slipičević i gosp. Sifet Kukuruz.

Ostali prisutni: prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Aleksandra Nikolić, prorektorica za međunarodnu saradnju, prof. Sanja Burić, prorektorica za umjetnost, kulturu i sport, prof. dr. Sahrudin Sarajčić, izvršni direktor Univerziteta u Sarajevu, gosp. Ekrem Čagalj, rukovodilac Jedinice za internu reviziju Univerziteta u Sarajevu, prof. dr. Haris Alić, dekan Fakultet sporta i tjelesnog odgoja Univerziteta u Sarajevu,¹ gosp. Kenan Filipović, rukovodilac Službe za pravne i opće poslove Univerziteta u Sarajevu, Belma Hajradinović, stručna saradnica za pravne poslove Univerziteta u Sarajevu.

Ostali odsutni: prof. dr. Maida Čohodar-Husić, prorektorica za kvalitet, prof. dr. Aida Hodžić, prorektorica za nastavu i studentska pitanja, prof. dr. Dženana Husremović, prorektorica za naučnoistraživački rad, i dr. sc. Suvad Konaković, generalni sekretar Univerziteta u Sarajevu.

Zasjedanje je počelo u 14:00 sati.

U uvodnom dijelu sjednice dr. sc. Murat Ramadanović, predsjednik Upravnog odbora Univerziteta u Sarajevu, konstatirao je da postoji potreban kvorum za odlučivanje, te da sjednici prisustvuje 9 (devet) članova Upravnog odbora, nakon čega je otvorio 21. redovnu sjednicu Upravnog odbora Univerziteta u Sarajevu (dalje: Upravni odbor). U daljnjem toku sjednice dr. sc. Murat Ramadanović, predsjednik Upravnog odbora, pozvao je gosp. Kenana Filipovića, rukovodioca Službe za pravne i opće poslove, da informira članove Upravnog odbora o naknadno dostavljenim materijalima. S tim u vezi, gosp. Kenan Filipović je istakao da je od Šumarskog fakulteta i Rektorata izvršena dopuna materijala, koja se odnosi na izmjene i dopune Plana javnih nabavki integriranog Univerziteta u Sarajevu za 2019. godinu u dijelu tih

¹ Prof. dr. Haris Alić, dekan Fakulteta sporta i tjelesnog odgoja, pristupio je sjednici Upravnog odbora Univerziteta u Sarajevu u okviru tačke 10. usvojenog dnevnog reda u svojstvu izvjestioca pod navedenom tačkom dnevnog reda.

organizacionih jedinica, te da je dostavljena inicijativa za postavljanje spomen-ploče rahmetli Šemsudinu Ajanoviću, upućena od Udruženja dobitnika najvećih ratnih priznanja „Zlatni ljiljan“ i „Zlatna policijska značka“.

Nadalje, dr. sc. Murat Ramadanović, predsjednik Upravnog odbora, predložio je da se izmjena i dopuna Plana javnih nabavki integriranog Univerziteta u Sarajevu za 2019. godinu u dijelu: Šumarski fakultet, razmatra pod tačkom 6.c) i izmjena i dopuna Plana javnih nabavki integriranog Univerziteta u Sarajevu za 2019. godinu u dijelu: Rektorat, razmatra pod tačkom 6.d). Zatim je dr. sc. Murat Ramadanović, predsjednik Upravnog odbora, predložio da inicijativa za postavljanje spomen-ploče rahmetli Šemsudinu Ajanoviću, upućena od Udruženja dobitnika najvećih ratnih priznanja „Zlatni ljiljan“ i „Zlatna policijska značka“, bude razmatrana pod tačkom „Tekuća pitanja“, tačka 13.b), te je pozvao članove Upravnog odbora da se izjasne u odnosu na predloženi dnevni red i predložene dopune.

Uz prijedloge dopune, Upravni odbor je **jednoglasno**, sa 9 (devet) glasova „za“, usvojio izmijenjeni i dopunjeni dnevni red, kako *s l i j e d i*:

D N E V N I R E D

1. Usvajanje Zapisnika sa 20. redovne sjednice Upravnog odbora Univerziteta u Sarajevu od 24. 10. 2019. godine i Zapisnika sa 15. elektronske sjednice Upravnog odbora Univerziteta u Sarajevu od 01. 11. 2019. godine
2. Realizacija odluka i zaključaka sa prethodnih sjednica Upravnog odbora Univerziteta u Sarajevu
 - a) Informacija prof. dr. Melike Husić-Mehmedović, direktorice Centra za interdisciplinarne studije Univerziteta u Sarajevu, o pregledu aktivnosti na programu ERMA – *Evropski regionalni magistarski program iz ljudskih prava i demokratije u jugoistočnoj Evropi* u studijskoj 2019/2020. godini
 - b) Izvještaj interne revizije/Jedinice za internu reviziju – obračun plaća zaposlenicima Fakulteta za saobraćaj i komunikacije Univerziteta u Sarajevu (veza: Zaključak Upravnog odbora Univerziteta u Sarajevu, akt broj: 01-70-22/19 od 28. 05. 2019. godine i Zaključak broj: 02-88-2/19 od 19. 09. 2019. godine)
 - c) Izvještaj o realizaciji dinamičkih planova organizacionih jedinica Univerziteta u Sarajevu za 2018/2019. studijsku godinu
 - d) Kvartalni Izvještaj o realizaciji planova javne nabavke integriranog Univerziteta u Sarajevu za 2019. godinu
 - e) Rješenje Inspektorata prosvjetne inspekcije broj: UP-1-14-12-38-17385/19-12/05 od 30. 09. 2019. godine, kojim se naređuje Univerzitetu u Sarajevu da poništi Odluku Upravnog odbora Univerziteta u Sarajevu broj: 02-70-15/19 od 28. 05. 2019. godine
- Izjavitelac: Kenan Filipović, rukovodilac Službe za pravne i opće poslove Univerziteta u Sarajevu**
3. Razmatranje šestomjesečnog Izvještaja o radu sa finansijskim poslovanjem Univerziteta u Sarajevu za period od 01. 01. do 30. 06. 2019. godine sa nalazom interne revizije Univerziteta u Sarajevu o provedenom nadzoru o finansijskim procesima na Univerzitetu u Sarajevu i organizacionim jedinicama za period od 01. 01. do 30. 06. 2019. godine
- Izjavitelci: prof. dr. Tarik Zaimović, prorektor za finansije Univerziteta u Sarajevu, gosp. Ekrem Čagalj, rukovodilac Jedinice za internu reviziju Univerziteta u Sarajevu**

4. Razmatranje pravilnikā Univerziteta u Sarajevu:
- a) Prijedlog dopune Pravilnika o organizaciji i sistematizaciji radnih mjesta Univerziteta u Sarajevu
 - b) Prijedlog Pravilnika o organizaciji i sistematizaciji radnih mjesta u Rektoratu i podorganizacionim jedinicama Univerziteta u Sarajevu

Izvestioci: Kenan Filipović, rukovodilac Službe za pravne i opće poslove Univerziteta u Sarajevu, prof. dr. Tarik Zaimović, prorektor za finansije Univerziteta u Sarajevu

5. Utvrđivanje cijene provođenja postupka provjere vjerodostojnosti diplome na Univerzitetu u Sarajevu
6. Prijedlozi organizacionih jedinica za izmjene i dopune Plana javnih nabavki integriranog Univerziteta u Sarajevu za 2019. godinu:
- a) Akademija likovnih umjetnosti
 - b) Prirodno-matematički fakultet
 - c) Šumarski fakultet
 - d) Rektorat

Izvestilac: prof. dr. Sahrudin Sarajčić, izvršni direktor Univerziteta u Sarajevu

7. Prigovori/žalbe zaposlenih na organizacionim jedinicama Univerziteta u Sarajevu na odluke tijela Univerziteta/organizacione jedinice koja su u prvom stepenu odlučivala o pravima i obavezama iz radnog odnosa:
- a) dr. sc. Fikret Bečirević, Institut za istraživanje zločina protiv čovječnosti i međunarodnog prava
 - b) prof. dr. Ingmar Bešić, Elektrotehnički fakultet
 - c) Svjetlana Bajramović, Medicinski fakultet
 - d) Adela Korjenić, Orijentalni institut

Izvestilac: Kenan Filipović, rukovodilac Službe za pravne i opće poslove Univerziteta u Sarajevu

8. Razmatranje zahtjeva za prodaju osnovnih sredstava koji se odnosi na odobrenje rashodovanja opreme (peć za centralno grijanje), podnosilac: Šumarski fakultet Univerziteta u Sarajevu
9. Davanje saglasnosti za potpisivanje ugovora o korištenju i održavanju termoenergetskog postrojenja u Kampusu Univerziteta u Sarajevu sa KJKP „Toplane“ Sarajevo d. o. o. Sarajevo

Izvestilac: prof. dr. Tarik Zaimović, prorektor za finansije Univerziteta u Sarajevu

10. Razmatranje zahtjeva za donošenje odluke kojom se ovlašćuje dekan za raspolaganje namjenskim sredstvima preko 100.000, 00 KM

Izvestilac: prof. dr. Haris Alić, dekan Fakulteta sporta i tjelesnog odgoja Univerziteta u Sarajevu

11. Zahtjev za odobravanje službenog putovanja rektoru prof. dr. Rifatu Škrijelju u Ljubljanu, Slovenija
12. Zbirni Dinamički plan potreba za raspisivanje konkursa za izbor u zvanje za 2019/2020. godinu
13. Tekuća pitanja

- a) Inicijativa za preuređenje prostora kod Kampusu Univerziteta u Sarajevu i pretvaranje istog u parkovsku površinu pod imenom „Studentski park – Goran Čengić“
- b) Inicijativa za postavljanje spomen-ploče rahmetli Šemsudinu Ajanoviću, upućena od Udruženja dobitnika najvećih ratnih priznanja „Zlatni ljiljan“ i „Zlatna policijska značka“

T O K S J E D N I C E

Ad-1.

Upravni odbor je *jednoglasno*, sa 9 (devet) glasova „za“, usvojio Zapisnik sa 20. redovne sjednice Upravnog odbora Univerziteta u Sarajevu održane 28. 11. 2019. godine, uz usvojenu konstataciju prof. dr. Abidina Deljanina da se u Zapisniku naznači njegova diskusija u okviru koje je predložio da Upravni odbor Univerziteta u Sarajevu inicira provjeru angažmana prof. dr. Samira Čauševića na Sveučilištu u Mostaru.

Ad-2.

U okviru tačke „Realizacija odluka i zaključaka sa prethodnih sjednica Upravnog odbora Univerziteta u Sarajevu“ prisutni članovi Upravnog odbora su informirani o realiziranim odlukama i zaključcima u formi tabelarnog prikaza.

U dijelu tačke 2.a) prof. dr. Melika Husić-Mehmedović, direktorica Centra za interdisciplinarne studije Univerziteta u Sarajevu, dostavila je informaciju o pregledu aktivnosti na programu ERMA – *Evropski regionalni magistarski program iz ljudskih prava i demokratije u jugoistočnoj Evropi* u studijskoj 2019/2020. godini. S tim u vezi, Upravni odbor je *jednoglasno*, sa 9 (devet) glasova „za“, donio s l j e d e ć i

Z A K L J U Č A K

1. Upravni odbor Univerziteta u Sarajevu prihvata informaciju prof. dr. Melike Husić-Mehmedović, direktorice Centra za interdisciplinarne studije Univerziteta u Sarajevu, o pregledu aktivnosti na programu ERMA – *Evropski regionalni magistarski program iz ljudskih prava i demokratije u jugoistočnoj Evropi* u studijskoj 2019/2020. godini za period od augusta do oktobra 2019. godine, sa tromjesečnim planom trošenja sredstava za period od augusta do novembra 2019. godine (planirano) i od augusta do oktobra 2019. godine (ostvareno), akt broj: 145/19 od 18. 10. 2019. godine.
2. Informacija i tromjesečni planovi trošenja sredstava iz tačke 1. ovog zaključka čine sastavni dio ovog zaključka.

Nadalje, u dijelu tačke 2.b) razmatran je izvještaj interne revizije/Jedinice za internu reviziju – obračun plaća zaposlenicima Fakulteta za saobraćaj i komunikacije Univerziteta u Sarajevu (u daljnjem tekstu: izvještaj). Naime, na osnovu Zaključka Upravnog odbora Univerziteta u Sarajevu, akt broj: 01-70-22/19 od 28. 05. 2019. godine, rukovodilac Jedinice za internu reviziju je obavezan da sačini izvještaj o obračunu plaća zaposlenicima Fakulteta za saobraćaj i komunikacije Univerziteta u Sarajevu. Nadalje, na 19. redovnoj sjednici Upravnog odbora

razmatran je izvještaj Jedinice za internu reviziju, te na istoj donesen Zaključak broj: 02-88-2/19 od 19. 09. 2019. godine, kojim je utvrđena obaveza da Jedinica za internu reviziju Univerziteta u Sarajevu izvrši korekciju preporuka datih u izvještaju, te je isti korigiran i dostavljen na razmatranje Upravnom odboru.

U daljnjem toku sjednice dr. sc. Murat Ramadanović, predsjednik Upravnog odbora Univerziteta u Sarajevu, otvorio je kraću diskusiju u kojoj su učešće uzeli prof. dr. Abidin Deljanin i prof. dr. Rifat Škrijelj.

Prof. dr. Abidin Deljanin je istakao da su u izvještaju konstatirane određene nezakonitosti i da je neophodno da Upravni odbor, shodno utvrđenim nepravilnostima, zahtijeva odgovornost rukovodioca koji je u predmetnom periodu obnašao dužnost dekana Fakulteta za saobraćaj i komunikacije Univerziteta u Sarajevu.

Nadalje se za riječ javio prof. dr. Rifat Škrijelj, rektor Univerziteta u Sarajevu, koji je konstatirao da, ukoliko postoje saznanja koja se mogu dokumentirati i koja ukazuju da je u postupanju bilo nezakonitih djelovanja, prof. dr. Abidin Deljanin može kao član Upravnog odbora i kao član tog akademskog osoblja odnosno kao zaposlenik te organizacione jedinice ista uputiti nadležnim tijelima na daljnje postupanje.

Nadalje, prof. dr. Jasminka Gradašćević-Sijerčić je istakla da je u nadležnosti Upravnog odbora poduzimanje potrebnih koraka u slučaju saznanja da je sa stanovišta finansijskog poslovanja došlo do nezakonitog djelovanja i poslovanja, te je u odnosu na dostavljeni prijedlog Zaključka istakla da stav III postaje stav II (stav II se briše), te da se u istom konstatira da će se protiv odgovornih lica poduzeti sve potrebne aktivnosti, kako bi se utvrdila odgovornost.

Dr. sc. Murat Ramadanović, predsjednik Upravnog odbora, konstatirao je da se prihvata izvještaj Jedinice za internu reviziju Univerziteta u Sarajevu, te da će prof. dr. Abidin Deljanin u svojstvu člana Upravnog odbora prijaviti nadležnim tijelima uočene nepravilnosti na daljnje utvrđivanje odgovornosti. S tim u vezi, Upravni odbor je *jednoglasno*, sa 9 (devet) glasova „za“, donio s l j e d e ć e

ZAKLJUČKE

1. Upravni odbor Univerziteta u Sarajevu prihvata izvještaj interne revizije/Jedinice za internu reviziju Univerziteta u Sarajevu o obračunu plaća zaposlenicima u skladu sa Kolektivnim ugovorom za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo”, broj 42/18) na Fakultetu za saobraćaj i komunikacije Univerziteta u Sarajevu.
2. Zadužuju se rektor Univerziteta u Sarajevu i rukovodilac Fakulteta za saobraćaj i komunikacije Univerziteta u Sarajevu da poduzmu sve aktivnosti u cilju otklanjanja uočenih nepravilnosti i realizacije preporuka predloženih u izvještaj interne revizije/Jedinice za internu reviziju Univerziteta u Sarajevu i da se poduzmu potrebne radnje u cilju sankcioniranja odgovornih lica, te da o istom izvijeste Upravni odbor Univerziteta u Sarajevu.

U okviru tačke 2.c) Upravnom odboru je dostavljen izvještaj o realizaciji dinamičkih planova organizacionih jedinica Univerziteta u Sarajevu za 2018/2019. studijsku godinu. Stoga je Upravni odbor *jednoglasno*, sa 9 (devet) glasova „za“, donio s l j e d e ć i

Z A K L J U Č A K

1. Upravni odbor Univerziteta u Sarajevu prihvata Izvještaj o realizaciji Dinamičkog plana Univerziteta u Sarajevu za raspisivanje konkursa za izbor u zvanje za 2018/2019. studijsku godinu u skladu sa članom 103. stav (3) Zakona o visokom obrazovanju („Službene novine Kantona Sarajevo”, broj: 33/17).
2. Izvještaj iz tačke 1. ovog zaključka čini sastavni dio ovog zaključka.

U okviru tačke 2.d) Upravnom odboru je dostavljen kvartalni Izvještaj o realizaciji planova javne nabavke integriranog Univerziteta u Sarajevu za 2019. godinu. Stoga je Upravni odbor *jednoglasno*, sa 9 (devet) glasova „za“, donio s l j e d e ć i

Z A K L J U Č A K

1. Upravni odbor Univerziteta u Sarajevu prihvata Izvještaj o provedbi i realizaciji godišnjeg Plana javnih nabavki integriranog Univerziteta u Sarajevu za 2019. godinu (treći kvartal).
2. Izvještaj iz tačke 1. ovog zaključka čini sastavni dio ovog zaključka.

U dijelu tačke 2.e) ponovo je dostavljeno na razmatranje Upravnom odboru Rješenje Inspektorata prosvjetne inspekcije broj: UP-1-14-12-38-17385/19-12/05 od 30. 09. 2019. godine, kojim se naređuje Univerzitetu u Sarajevu da poništi Odluku Upravnog odbora Univerziteta u Sarajevu broj: 02-70-15/19 od 28. 05. 2019. godine, kojom se obavezuje Medicinski fakultet Univerziteta u Sarajevu da, u skladu sa Zakonom o visokom obrazovanju i Statutom Univerziteta u Sarajevu od 26. 06. 2013. godine, izvrši usklađivanje Konkursa za izbor nastavnika i saradnika na Medicinskom fakultetu Univerziteta u Sarajevu objavljenog 09. 03. 2019. godine u dnevnim novinama „Oslobođenje” i na veb-stranici Medicinskog fakulteta u Sarajevu. Naime, Upravni odbor je na 20. redovnoj sjednici održanoj 24. 10. 2019. godine razmatrao ranije spomenuto rješenje, te u vezi sa istim donio Zaključak broj: 02- 95-3-1/19 kojim se konstatira da je neophodno uputiti zahtjev za produženje roka za izvršenje upravne mjere. Postupajući slijedom navedenog zaključka, Univerzitet u Sarajevu je Inspektoratu prosvjetne inspekcije Kantonalne uprave za inspeksijske poslove uputio zahtjev za produženje roka za izvršenje upravne mjere, a na isti je dostavljen zaključak kojim se odbija zahtjev Univerziteta u Sarajevu za produženje roka za izvršenje upravne mjere naložene Rješenjem broj: UP-1-14-12-38-17385/19-12/05 od 30. 09. 2019. godine.

S tim u vezi, otvorena je kraća diskusija u kojoj su učešće uzeli prof. dr. Rifat Škrijelj, rektor Univerziteta u Sarajevu, i prof. dr. Jasminka Gradašćević-Sijerčić.

Prof. dr. Jasminka Gradašćević-Sijerčić istakla je da je prof. dr. Zeliya Velija Ašimi izabrana u zvanje vanrednog profesora na Medicinskom fakultetu Univerziteta u Sarajevu i, shodno zakonskim odredbama, imenovana je zaključila ugovor o radu na period za koji je izabrana na Medicinskom fakultetu Univerziteta u Sarajevu. S obzirom na to da je prof. dr. Zelij Veliji Ašimi istekao izbor u zvanje vanrednog profesora, imenovanoj je prestao ugovor o radu u skladu sa članom 94. stav 1. tačka f) Zakona o visokom obrazovanju („Službene novine Kantona Sarajevo”, broj: 33/17) (u daljnjem tekstu: ZVO) i članom 94. stav (1) tačka g) Zakona o radu („Službene novine FBiH”, broj: 26/16). Slijedom date pouke o pravnom lijeku u rješenju kojim se konstatira da je imenovanoj prestao ugovor o radu upućen je Prigovor Upravnom odboru od prof. dr. Zeliye Velije Ašimi, akt broj: 0101–8243/19 od 07. 10. 2019. godine. Postupajući po Prigovoru, Upravni odbor je donio Rješenje kojim se isti odbija kao neosnovan. U obrazloženju je konstatirano da je imenovanoj istekao izbor u zvanje i da samim tim prestaje osnov za zaključivanje ugovora o radu. Naime, prije prestanka ugovora o radu Upravni odbor je naložio Medicinskom fakultetu da, u skladu sa Zakonom o visokom obrazovanju („Službene novine Kantona Sarajevo“, broj: 33/17) i Statutom Univerziteta u Sarajevu od 26. 06. 2013. godine, izvrši usklađivanje Konkursa za izbor nastavnika i saradnika na Medicinskom fakultetu Univerziteta u Sarajevu objavljenog 09. 03. 2019. godine u dnevnim novinama „Oslobođenje“ i na veb-stranici Medicinskog fakulteta Univerziteta u Sarajevu, kako bi se prof. dr. Zelij Veliji Ašimi osiguralo učešće u konkursnoj proceduri.

Uzimajući u obzir da imenovana u zakonskom roku odnosno prije isteka izbornog perioda nije napredovala u zvanje, Upravni odbor Univerziteta u Sarajevu je donio Odluku da se ista stavi van snage, jer je ista neprovediva s obzirom na nastalo činjenično stanje (istekao period izbora u zvanje), te slijedom Rješenja Inspektorata prosvjetne inspekcije Kantonalne upravne za inspeksijske poslove, akt broj: UP-1-14-12-38-17385/19-12/05 od 30. 09. 2019. godine, kojim se Univerzitetu u Sarajevu nalaže stavljanje van snage navedene odluke.

Nadalje, prof. dr. Jasminka Gradašćević-Sijerčić konstatira da je u spomenutoj proceduri izbora u zvanje evidentno da postoji oblik diskriminacije, te da je Upravni odbor slijedom odredbe Zakona o radu FBiH („Službene novine FBiH“, br.: 26/16 i 89/18), kojom se zabranjuje diskriminacija radnika i lica koja traže zaposlenje, nastojao osigurati zaštitu od oblika diskriminacije prof. dr. Zeliye Velije Ašimi, te da je shodno toj odredbi pronašao osnov za postupanje u datom predmetu; međutim, prosvjetni inspektor je cijenio da citirana odredba ne može biti osnov za postupanje, pozivajući se isključivo na odredbe člana 129. Zakona o visokom obrazovanju („Službene novine Kantona Sarajevo“, broj: 33/17). S tim u vezi, prof. dr. Jasminka Gradašćević-Sijerčić konstatira da se Odluka Upravnog odbora Univerziteta u Sarajevu broj: 02-70-15/19 od 28. 05. 2019. godine – kojom se obavezuje Medicinski fakultet Univerziteta u Sarajevu da, u skladu sa Zakonom o visokom obrazovanju i Statutom Univerziteta u Sarajevu od 26. 06. 2013. godine, izvrši usklađivanje Konkursa za izbor nastavnika i saradnika na Medicinskom fakultetu Univerziteta u Sarajevu objavljenog 09. 03. 2019. godine u dnevnim novinama „Oslobođenje“ i na veb-stranici Medicinskog fakulteta u Sarajevu – stavi van snage, ali da se prethodno svi navodi konstatiraju u obrazloženju zaključka u kojem Upravni odbor zaključuje da će se isti staviti van snage.

Upravni odbor je *jednoglasno*, sa 9 (devet) glasova „za“, donio s l j e d e ć i

ZAKLJUČAK

Upravni odbor Univerziteta u Sarajevu je odlučio da se Odluka Upravnog odbora kojom se obavezuje Medicinski fakultet Univerziteta u Sarajevu da, u skladu sa Zakonom o visokom obrazovanju („Službene novine Kantona Sarajevo“, broj: 33/17) i Statutom Univerziteta u Sarajevu od 26. 06. 2013. godine, izvrši usklađivanje Konkursa za izbor nastavnika i saradnika na Medicinskom fakultetu Univerziteta u Sarajevu objavljenog 09. 03. 2019. godine u dnevnim novinama „Oslobođenje“ i na veb-stranici Medicinskog fakulteta Univerziteta u Sarajevu, akt broj: 02-70-15/19 od 28. 05. 2019. godine, stavlja van snage.

Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

o stavljanju van snage Odluke broj: 02-70-15/19 od 28. 05. 2019. godine

Član 1.

Ovom odlukom stavlja se van snage Odluka Upravnog odbora kojom se obavezuje Medicinski fakultet Univerziteta u Sarajevu da, u skladu sa Zakonom o visokom obrazovanju („Službene novine Kantona Sarajevo“, broj: 33/17) i Statutom Univerziteta u Sarajevu od 26. 06. 2013. godine, izvrši usklađivanje Konkursa za izbor nastavnika i saradnika na Medicinskom fakultetu Univerziteta u Sarajevu objavljenog 09. 03. 2019. godine u dnevnim novinama „Oslobođenje“ i na veb-stranici Medicinskog fakulteta Univerziteta u Sarajevu, akt broj: 02-70-15/19 od 28. 05. 2019. godine.

Član 2.

Ova odluka stupa na snagu datumom donošenja, a objavit će se u „Službenim novinama Kantona Sarajevo“.

Ad-3.

Upravnom odboru dostavljen je na razmatranje šestomjesečni Izvještaj o radu sa finansijskim poslovanjem Univerziteta u Sarajevu za period od 01. 01. do 30. 06. 2019. godine sa nalazom interne revizije Univerziteta u Sarajevu o provedenom nadzoru o finansijskim procesima na Univerzitetu u Sarajevu i organizacionim jedinicama za period od 01. 01. do 30. 06. 2019. godine (u daljnjem tekstu: Izvještaj o radu).

U okviru tačke 3. prisutne su o sadržaju Izvještaja izvijestili prof. dr. Tarik Zaimović, prorektor za finansije Univerziteta u Sarajevu, i gosp. Ekrem Čagalj, rukovodilac Jedinice za internu reviziju Univerziteta u Sarajevu. Gosp. Ekrem Čagalj, rukovodilac Jedinice za internu reviziju, istakao je da su evidentni određeni nedostaci, ali da će isti kroz preporuke date od Jedinice za internu reviziju Univerziteta u Sarajevu biti korigirani, sa posebnim osvrtom na popis koji će se za ovu godinu uraditi planski i kvalitetnije u odnosu na način na koji je prethodno provoden popis imovine i obaveza na Univerzitetu. S tim u vezi, prof. dr. Tarik Zaimović, prorektor za finansije Univerziteta u Sarajevu, informirao je prisutne članove da je u toku izrada smjernica za izradu godišnjeg izvještaja o radu sa finansijskim poslovanjem Univerziteta u Sarajevu.

S tim u vezi, Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

I

Usvaja se Izvještaj o radu sa finansijskim poslovanjem Univerziteta u Sarajevu za period od 01. 01. 2019. do 30. 06. 2019. godine sa nalazom Jedinice interne revizije Univerziteta u Sarajevu o provedenom nadzoru o finansijskim procesima na Univerzitetu u Sarajevu i organizacionim jedinicama za period od 01. 01. 2019. do 30. 06. 2019. godine i prosljeđuje se osnivaču na daljnje postupanje.

II

Ova odluka stupa na snagu datumom donošenja.

Ad-4.

U okviru tačke 4.a) razmatrano je Mišljenje Ministarstva za obrazovanje, nauku i mlade Kantona Sarajevo, akt broj: 11-05-38-1774-1-1/19 od 11. 10. 2019. godine, kojim se konstatira da, shodno odredbi člana 160. stav (8) i stav (9) Zakona o visokom obrazovanju („Službene novine Kantona Sarajevo“, broj: 33/17), resorno ministarstvo daje mišljenje da je potrebno izvršiti dopunu člana 24. Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu (u daljnjem tekstu: Pravilnik), na način da se iza stava (3) dodaju stav (4) i (5) i glase:

„(4) Popunjavanje sistematiziranih radnih mjesta u zajedničkim službama Univerziteta vršit će se unutrašnjom preraspodjelom odnosno angažmanom postojećih radnika koji obavljaju iste ili slične poslove na organizacionim jedinicama i koji ispunjavaju uvjete propisane ovim pravilnikom, pri čemu će se primjenjivati odredbe Standarda i normativa za obavljanje djelatnosti visokog obrazovanja na području Kantona Sarajevo kojima se za svaku vrstu poslova normira broj radnika na nivou visokoškolske ustanove.

(5) Prijem radnika na Univerzitetu i organizacionim jedinicama vršit će se na osnovu prethodno provedenog javnog konkursa i uz prethodno pribavljenu saglasnost Vlade Kantona Sarajevo.“

Nadalje, dr. sc. Murat Ramadanović, predsjednik Upravnog odbora, u daljnjem toku sjednice otvorio je kraću diskusiju u kojoj su učešće uzeli: prof. dr. Jasminka Gradašćević-Sijerčić, prof. dr. Rifat Škrijelj, rektor Univerziteta u Sarajevu, gđa Azra Zvizdić, rukovoditeljica Službe za javne nabavke Univerziteta u Sarajevu.

Prof. dr. Jasminka Gradašćević-Sijerčić je istakla da se u dijelu Mišljenja koje je dostavilo Ministarstvo za obrazovanje, nauku i mlade Kantona Sarajevo izvrši korekcija u dijelu stava (5) i isti treba glasiti: „Prijem radnika na Univerzitetu vrši se u skladu sa važećim propisima na području Kantona Sarajevo.“

Nadalje, prof. dr. Rifat Škrijelj, rektor Univerziteta u Sarajevu, konstatirao je da je neophodno da se usvoji dopuna Ministarstva za obrazovanje, nauku i mlade Kantona Sarajevo, kako bi Univerzitet u Sarajevu okončao proceduru donošenja Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu.

Uz prijedlog prof. dr. Jasminke Gradašćević-Sijerčić, Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

I

Upravni odbor Univerziteta u Sarajevu donosi Pravilnik o dopuni Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu (u daljnjem tekstu Pravilnik), koji čini sastavni dio ove odluke.

II

Dopuna iz tačke I ove odluke odnosi se na dopunu u članu 24. na način da se iza stava (3) dodaju stav (4) i (5) i glase:

„(4) Popunjavanje sistematiziranih radnih mjesta u zajedničkim službama Univerziteta vršit će se unutrašnjom preraspodjelom odnosno angažmanom postojećih radnika koji obavljaju iste ili slične poslove na organizacionim jedinicama i koji ispunjavaju uvjete propisane ovim pravilnikom, pri čemu će se primjenjivati odredbe Standarda i normativa za obavljanje djelatnosti visokog obrazovanja na području Kantona Sarajevo kojima se za svaku vrstu poslova normira broj radnika na nivou visokoškolske ustanove.

(5) Prijem radnika na Univerzitetu i organizacionim jedinicama vršit će se u skladu sa važećim propisima na području Kantona Sarajevo.“

III.

Ova odluka stupa na snagu datumom donošenja, a Pravilnik iz stava I ove odluke stupa na snagu osmog dana od datuma njegovog objavljivanja na veb-stranici i oglasnoj ploči Univerziteta.

U okviru tačke 4.b) Upravni odbor Univerziteta u Sarajevu je razmatrao Prijedlog Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu (u daljnjem tekstu: Prijedlog Pravilnika).

S tim u vezi, otvorena je kraća diskusija u kojoj su učešće uzeli prof. dr. Jasminka Gradašćević-Sijerčić i prof. dr. Tarik Zaimović, prorektor za finansije Univerziteta u Sarajevu.

U odnosu na dostavljeni tekst Prijedloga Pravilnika prof. dr. Jasminka Gradašćević-Sijerčić je istakla da je neophodno izvršiti nomotehničku korekciju, da se član 20. stav (4) kojim se definira jedinica – Pomoćni operativni centar za visoko obrazovanje – prenese i u dijelu člana 4. stav (1) tačka b predmetnog Prijedloga Pravilnika, a da postojeća tačka b. postaje tačka c. Nadalje, prof. dr. Tarik Zaimović je konstatirao da je neophodno utvrditi odredbom da Pomoćni operativni centar za visoko obrazovanje nije služba u organizacijskom smislu i da se isti mora definirati kao zasebna jedinica.

Uz prijedlog prof. dr. Jasminke Gradašćević-Sijerčić, Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

I

Upravni odbor Univerziteta u Sarajevu donosi Pravilnik o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu (u daljnjem tekstu Pravilnik), koji čini sastavni dio ove odluke.

II

Pravilnik iz tačke I ove odluke stupa na snagu datumom donošenja i objavit će se na internetskoj stranici Univerziteta u Sarajevu. Datumom stupanja na snagu ovog pravilnika prestaje važiti Pravilnik o unutrašnjoj organizaciji i sistematizaciji radnih mjesta broj: 02-5144/17 od 27. 07. 2017. godine.

III

Ova odluka stupa na snagu datumom donošenja.

Ad-5.

Na osnovu člana 165. stava (1) Zakona o visokom obrazovanju („Službene novine Kantona Sarajevo“, broj: 33/17), te na prijedlog Senata Univerziteta u Sarajevu, Upravni odbor Univerziteta u Sarajevu je, shodno povećanom obimu posla i povećanim troškovima prilikom provođenja postupka provjere vjerodostojnosti diplome na Univerzitetu u Sarajevu, konstatirao da je neophodno utvrditi cijenu troškova za provođenje spomenutog postupka.

Shodno navedenom, Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

I

Na usaglašen prijedlog Senata Univerziteta u Sarajevu i Upravnog odbora Univerziteta u Sarajevu utvrđuje se prijedlog cijene provođenja postupka provjere vjerodostojnosti diplome na Univerzitetu u Sarajevu u iznosu od 200,00 KM (slovima: dvijestotine KM).

II

Prijedlog iz stava I ove odluke upućuje se Vladi na daljnje postupanje i utvrđivanje cijene provođenja postupka provjere vjerodostojnosti diplome na Univerzitetu u Sarajevu.

Ad-6.

Upravnom odboru dostavljeni su prijedlozi organizacionih jedinica za izmjenu i dopunu Plana javnih nabavki integriranog Univerziteta u Sarajevu za 2019. godinu u dijelu:

- a) Akademija likovnih umjetnosti

- b) Prirodno-matematički fakultet
 - c) Šumarski fakultet
 - d) Rektorat
- a) Nakon uvodnih napomena od izvjestioca prof. dr. Sahrudina Sarajčića, izvršnog direktora Univerziteta u Sarajevu, a u vezi sa dostavljenim zahtjevima za izmjenu i dopunu planova javnih nabavki navedenih organizacionih jedinica za 2019. godinu, Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

o izmjeni i dopuni Plana javnih nabavki integriranog Univerziteta u Sarajevu za 2019. godinu u dijelu: Akademija likovnih umjetnosti

I

Utvrdjuje se izmjena i dopuna Plana javnih nabavki integriranog Univerziteta u Sarajevu za 2019. godinu u dijelu organizacione jedinice Akademije likovnih umjetnosti, usvojenog Odlukom Upravnog odbora Univerziteta u Sarajevu broj: 02-41/19 od 28. 02. 2019. godine, kao u tabeli koja se nalazi u prilogu i čini sastavni dio ove odluke.

II

Ova odluka stupa na snagu datumom donošenja, a bit će objavljena na internetskoj stranici Akademije likovnih umjetnosti Univerziteta u Sarajevu.

- b) Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

o izmjeni i dopuni Plana javnih nabavki integriranog Univerziteta u Sarajevu za 2019. godinu u dijelu: Prirodno-matematički fakultet

I

Utvrdjuje se izmjena i dopuna Plana javnih nabavki integriranog Univerziteta u Sarajevu za 2019. godinu u dijelu organizacione jedinice Prirodno-matematičkog fakulteta, usvojenog Odlukom Upravnog odbora Univerziteta u Sarajevu broj: 02-41/19 od 28. 02. 2019. godine, kao u tabeli koja se nalazi u prilogu i čini sastavni dio ove odluke.

II

Ova odluka stupa na snagu datumom donošenja, a bit će objavljena na internetskoj stranici Prirodno-matematičkog fakulteta Univerziteta u Sarajevu.

c) Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

o izmjeni i dopuni Plana javnih nabavki integriranog Univerziteta u Sarajevu za 2019. godinu u dijelu: Šumarski fakultet

I

Utvrđuje se izmjena i dopuna Plana javnih nabavki integriranog Univerziteta u Sarajevu za 2019. godinu u dijelu organizacione jedinice Šumarskog fakulteta Univerziteta u Sarajevu, usvojenog Odlukom Upravnog odbora Univerziteta u Sarajevu broj: 02-41/19 od 28. 02. 2019. godine, kao u tabeli koja se nalazi u prilogu i čini sastavni dio ove odluke.

II

Ova odluka stupa na snagu datumom donošenja, a bit će objavljena na internetskoj stranici Šumarskog fakulteta Univerziteta u Sarajevu.

d) Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

o izmjeni i dopuni Plana javnih nabavki integriranog Univerziteta u Sarajevu (Rektorat i centri) za 2019. godinu

Član 1.

Utvrđuje se izmjena i dopuna Plana javnih nabavki integriranog Univerziteta u Sarajevu (Rektorat i centri) za 2019. godinu, usvojenog Odlukom Upravnog odbora Univerziteta u Sarajevu broj: 02-41/18 od 28. 02. 2019. godine, kao u tabeli koja se nalazi u prilogu i čini sastavni dio ove odluke.

Član 2.

Ova odluka stupa na snagu datumom donošenja, a bit će objavljena na internetskoj stranici Univerziteta u Sarajevu.

Ad-7.

Upravnom odboru dostavljen je zahtjev za reaktiviranje procedure reizbora podnositelja dr. sc. Fikreta Bečirevića, višeg naučnog saradnika Instituta za istraživanje zločina protiv čovječnosti i međunarodnog prava, akt zaveden pod brojem: 0101-10169/19 od 11. 11. 2019. godine.

U odnosu na dostavljeni zahtjev prof. dr. Jasminka Gradašćević-Sijerčić je predložila da se donese zaključak kojim će se konstatirati da Upravni odbor Univerziteta u Sarajevu traži od Vijeća Instituta za istraživanje zločina protiv čovječnosti i međunarodnog prava Univerziteta u Sarajevu da, u skladu sa odredbom člana 37. stav (7) Zakona o naučnoistraživačkoj djelatnosti

(„Službene novine Kantona Sarajevo“, broj: 26/16), omogućiti dr. sc. Fikretu Bećiroviću ostvarivanje njegovih prava.

a) Upravni odbor je *jednoglasno*, sa 9 (devet) glasova „za“, donio s l j e d e ć i

ZAKLJUČAK

1. Upravni odbor Univerziteta u Sarajevu je razmatrao zahtjev za reaktiviranje procedure reizbora podnositelja dr. sc. Fikreta Bećirevića, višeg naučnog saradnika Instituta za istraživanje zločina protiv čovječnosti i međunarodnog prava, akt zaveden pod brojem: 0101-10169/19 od 11. 11. 2019. godine.
2. Upravni odbor Univerziteta u Sarajevu traži od Vijeća Instituta za istraživanje zločina protiv čovječnosti i međunarodnog prava Univerziteta u Sarajevu da, u skladu sa Zakonom o naučnoistraživačkoj djelatnosti („Službene novine Kantona Sarajevo“, broj: 26/16) (u daljnjem tekstu: Zakon), omogućiti dr. sc. Fikretu Bećiroviću ostvarivanje prava u skladu sa članom 37. stav (7) navedenog zakona.

U okviru iste tačke Upravnom odboru je dostavljen na razmatranje zahtjev za zaštitu od diskriminacije i mobinga dr. Ingmara Bešića, docenta Elektrotehničkog fakulteta Univerziteta u Sarajevu, akt broj: 20191029-1/19 od 29. 10. 2019. godine.

Prof. dr. Jasminka Gradašćević-Sijerčić se javila za riječ i istakla da slijedom definicije diskriminacije ne postoje elementi koji u datom predmetu ukazuju na bilo koji oblik diskriminacije; međutim, u odnosu na navode istaknute u zahtjevu i pratećoj dokumentaciji koja je priložena uz zahtjev može se konstatirati da postoje elementi mobinga. S tim u vezi, prof. dr. Jasminka Gradašćević-Sijerčić je predložila da se predmet dostavi Vijeću Elektrotehničkog fakulteta Univerziteta u Sarajevu i da se od Vijeća zahtijeva da još jednom razmotri bitne segmente nastavnih aktivnosti na Odsjeku za računarstvo i informatiku i da se dostavi očitovanje Upravnom odboru na daljnje postupanje.

b) Uz prihvaćen prijedlog prof. dr. Jasminke Gradašćević-Sijerčić, Upravni odbor je *jednoglasno*, sa 9 (devet) glasova „za“, donio s l j e d e ć i

ZAKLJUČAK

Upravni odbor Univerziteta u Sarajevu je, razmatrajući zahtjev za zaštitu od diskriminacije i mobinga dr. Ingmara Bešića, docenta Elektrotehničkog fakulteta Univerziteta u Sarajevu, akt broj: 20191029-1/19 od 29. 10. 2019. godine, naložio poslodavcu odnosno Vijeću Elektrotehničkog fakulteta Univerziteta u Sarajevu da još jednom razmotri sve bitne aspekte nastavnih aktivnosti i o navedenom dostavi očitovanje Upravnom odboru Univerziteta u Sarajevu.

U okviru iste tačke razmatran je i zahtjev podnositeljice Svjetlane Bajramović za ostvarivanje prava iz radnog odnosa podnesen protiv akata Medicinskog fakulteta Univerziteta u Sarajevu broj: 01-3-5730/19 od 11. 09. 2019. godine i broj: 01-3-6233/19 od 25. 09. 2019. godine, kojima se imenovana upozorava radi neizvršavanja radnih zadataka, naloga i obaveza.

c) Uz napomene da u datom predmetu Upravni odbor nije cijenio formalno-pravnu ispravnost odluke Medicinskog fakulteta slijedom Zaključka broj: 02-79-20/19, koji je Upravni odbor donio na 18. redovnoj sjednici, u cilju zaštite prava i obaveza osoba obuhvaćenih pojedinačnim aktima donesenim od tijela Medicinskog fakulteta, a radi omogućavanja funkcionalnosti procesa na nivou Univerziteta, te da formalno-pravna ispravnost upućenih podnesaka/materijala u segmentu provjere – da li su potpisani od ovlaštene osobe – neće biti smetnja za meritorno odlučivanje do okončanja postupka u kojem se utvrđuje zakonitost razrješenja/imenovanja rukovodioca Medicinskog fakulteta, Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

Odbacuje se kao formalno-pravno neispravan zahtjev podnositeljice Svjetlane Bajramović za ostvarivanje prava iz radnog odnosa podnesen protiv akata Medicinskog fakulteta Univerziteta u Sarajevu broj: 01-3-5730/19 od 11. 09. 2019. godine i broj: 01-3-6233/19 od 25. 09. 2019. godine, kojima se imenovana upozorava radi neizvršavanja radnih zadataka, naloga i obaveza, zbog činjenice da radniku nije povrijeđeno pravo iz radnog odnosa.

Upravnom odboru dostavljen je Prigovor podnositeljice Adele Korjenić, akt zaveden pod brojem: 0101-9819/19 od 04. 11. 2019. godine, na Odluku direktora Orijentalnog instituta Univerziteta u Sarajevu broj: 02-611/19 od 29. 10. 2019. godine.

d) Upravni odbor je *jednoglasno*, sa 9 (devet) glasova „za“, donio s l j e d e ć i

ZAKLJUČAK

Odbacuje se Prigovor podnositeljice Adele Korjenić, akt zaveden pod brojem: 0101-9819/19 od 04. 11. 2019. godine, na Odluku direktora Orijentalnog instituta Univerziteta u Sarajevu broj: 02-611/19 od 29. 10. 2019. godine kao formalno-pravno neispravan *zbog nenadležnosti*.

Ad-8.

Vijeće Šumarskog fakulteta Univerziteta u Sarajevu dostavilo je Prijedlog Odluke, akt broj: 01/6-4287/19 od 07. 11. 2019. godine, te zahtjev kojim se od Upravnog odbora traži saglasnost za prodaju stare, neispravne toplotne podstanice (ccc 600 km), radi realizacije nabavke nove toplotne podstanice kojom bi se osiguralo grijanje prostorija u zgradi Šumarskog fakulteta Univerziteta u Sarajevu.

Bez prethodne diskusije Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

I

Usvaja se prijedlog za prodaju stare, neispravne toplotne podstanice (ccc 600 km), radi realizacije nabavke nove toplotne podstanice kojom bi se osiguralo grijanje prostorija u zgradi Šumarskog fakulteta Univerziteta u Sarajevu.

II

Ova odluka stupa na snagu datumom donošenja.

Ad-9.

Upravnom odboru Univerziteta u Sarajevu dostavljen je tekst Prijedloga Ugovora o korištenju i održavanju termoenergetskog postrojenja u Kampusu Univerziteta u Sarajevu sa KJKP „Toplane“ Sarajevo d. o. o. Sarajevo.

U okviru navedene tačke otvorena je kraća diskusija u kojoj su uzeli učešće prof. dr. Abidin Deljanin i prof. dr. Sahrudin Sarajčić, izvršni direktor Univerziteta u Sarajevu.

Prof. dr. Abidin Deljanin pohvalio je zaključenje ugovora sa KJKP „Toplane“ Sarajevo d. o. o. Sarajevo, te je konstatirao da je uspostavljena saradnja već rezultirala kvalitetnijim uslugama.

Zatim se za riječ javio prof. dr. Sahrudin Sarajčić koji je konstatirao da je, u odnosu na prethodni ugovor koji je bio zaključen sa „Unis Energetikom“ d. o. o. Sarajevo, kao neriješeno pitanje ostalo preuzimanje radnika od „Toplana“.

Upravni odbor je *jednoglasno*, sa 9 (devet) glasova „za“, donio s l j e d e ć u

ODLUKU

I

Daje se saglasnost na zaključenje Ugovora o korištenju i održavanju termoenergetskog postrojenja u Kampusu Univerziteta u Sarajevu između Univerziteta u Sarajevu, koji zastupa prof. dr. Rifat Škrijelj, rektor Univerziteta u Sarajevu, i KJKP „Toplane“ Sarajevo d. o. o. Sarajevo, koje zastupa Berin Alagić, v. d. direktora.

II

Ovlašćuje se rektor Univerziteta u Sarajevu prof. dr. Rifat Škrijelj da u ime Univerziteta u Sarajevu potpiše Ugovor iz tačke I ove odluke.

III

Obavezuje se rektor Univerziteta u Sarajevu da o realizaciji Ugovora iz tačke I ove odluke izvijesti Upravni odbor Univerziteta u Sarajevu.

IV

Ova odluka stupa na snagu datumom donošenja, a primjenjuje se po dobivanju saglasnosti od Vlade Kantona Sarajevo.

Ad-10.

U okviru tačke 11. razmatran je zahtjev prof. dr. Harisa Alića, dekana Fakulteta sporta i tjelesnog odgoja Univerziteta u Sarajevu, za donošenje odluke kojom se ovlašćuje dekan za raspolaganje namjenskim sredstvima preko 100.000,00 KM, radi izvođenja radova na rekonstrukciji i sanaciji zatvorenog plivačkog bazena na Fakultetu sporta i tjelesnog odgoja Univerziteta u Sarajevu. Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

I

Daje se ovlaštenje prof. dr. Harisu Aliću, dekanu Fakulteta sporta i tjelesnog odgoja Univerziteta u Sarajevu, za korištenje sredstava u iznosu od 217.780,00 KM (slovima: dvijestotinesedamnaest hiljadasedamstotinaosamdeset KM), radi izvođenja radova na rekonstrukciji i sanaciji zatvorenog plivačkog bazena na Fakultetu sporta i tjelesnog odgoja Univerziteta u Sarajevu.

II

Obavezuje se prof. dr. Haris Alić, dekan Fakulteta sporta i tjelesnog odgoja Univerziteta u Sarajevu, da o realizaciji obaveze iz tačke I ove odluke izvijesti Upravni odbor Univerziteta u Sarajevu.

III

Ova odluka stupa na snagu datumom donošenja.

Ad-11.

Slijedom dostavljene pozivnice i prateće dokumentacije za službeno putovanje prof. dr. Rifata Škrijelja, rektora Univerziteta u Sarajevu, za 5. Rektorski forum jugoistočne Evrope i zapadnog Balkana predviđen za 04. 12. 2019. godine u Rektoratu Univerziteta u Ljubljani, Upravni odbor je *jednoglasno*, sa 9 (devet) glasova „za“, donio s l j e d e ć u

O D L U K U

1. Odobrava se prof. dr. Rifatu Škrijelju, rektoru Univerziteta u Sarajevu, službeno putovanje u Ljubljani, Slovenija, radi prisustva 5. Rektorskom forumu jugoistočne Evrope i zapadnog Balkana koji će se održati 04. 12. 2019. godine u Rektoratu Univerziteta u Ljubljani.
2. Službeno putovanje traje dva (2) dana i to od 03. 12. i 04. 12. 2019. godine, uz korištenje službenog automobila kao prijevoznog sredstva.

3. Na ime službenog putovanja odobrava se akontacija u iznosu od 540,00 KM (slovima: petstotinačetdeset konvertibilnih maraka).
4. Troškovi iz tačke 3. ove odluke isplatit će se sa računa Univerziteta u Sarajevu.
5. Zadužuje se Služba za računovodstvo i finansije Univerziteta za realizaciju ove odluke.
6. Ova odluka stupa na snagu datumom donošenja.

Ad-12.

Shodno odredbi člana 103. stav (3) Zakona o visokom obrazovanju („Službene novine Kantona Sarajevo“, broj: 33/17), kojom je utvrđeno da su organizacione jedinice obavezne prije početka studijske godine sačiniti i dostaviti rukovodiocu i Upravnom odboru visokoškolske ustanove dinamičke planove potreba za raspisivanje konkursa za izbor u zvanje, Upravni odbor je *jednoglasno*, sa 9 (devet) glasova „za“, donio s l j e d e ć i

Z A K L J U Č A K

1. Prihvata se zbirni Dinamički plan potreba za raspisivanje konkursa za izbor u zvanje za 2019/2020. godinu.
2. Zbirni Dinamički plan iz tačke 1. ovog zaključka čini sastavni dio ovog zaključka.

Ad-13. Tekuća pitanja

- a) Upravni odbor Univerziteta u Sarajevu je, na zastupničku inicijativu gđe Vildane Bešlije, zastupnice u Skupštini Kantona Sarajevo, politička organizacija građana „Naša stranka“, podržao prijedlog za preuređenje prostora kod Kampusa Univerziteta u Sarajevu i pretvaranje istog u parkovsku površinu pod imenom „Studentski park – Goran Čengić“, *jednoglasno* – sa 9 (devet) glasova „za“ – donio s l j e d e ć u

O D L U K U

Upravni odbor Univerziteta u Sarajevu podržava zastupničku inicijativu gđe Vildane Bešlije, zastupnice u Skupštini Kantona Sarajevo, politička organizacija građana „Naša stranka“, za preuređenje prostora kod Kampusa Univerziteta u Sarajevu i pretvaranje istog u parkovsku površinu pod imenom „Studentski park – Goran Čengić“.

- b) Upravni odbor Univerziteta u Sarajevu je, postupajući po inicijativi za postavljanje spomen-ploče rahmetli Šemsudinu Ajanoviću, upućenoj od Udruženja dobitnika najvećih ratnih priznanja „Zlatni ljiljan“ i „Zlatna policijska značka“, *jednoglasno* – sa 9 (devet) glasova „za“ – donio s l j e d e ć u

ODLUKU

I

Upravni odbor Univerziteta u Sarajevu podržava inicijativu za postavljanje spomen-ploče rahmetli Šemsudinu Ajanoviću, upućenu od Udruženja dobitnika najvećih ratnih priznanja „Zlatni ljiljan“ i „Zlatna policijska značka“.

II

Upravni odbor Univerziteta u Sarajevu zadužuje stručne službe da realiziraju inicijativu iz stava I ove odluke.

- c) U okviru tačke „Tekuća pitanja“ prof. dr. Abidin Deljanin pohvalio je rad stručnih službi koje rade na pripremi materijala te, u vezi sa osiguranjem djelotvornijeg i kvalitetnijeg rada tijela Univerziteta, Upravnog odbora, predložio da se u budžetu planiraju i sredstva za nabavku informatičke opreme koja bi se koristila prilikom održavanja sjednica Upravnog odbora.
- d) U okviru tačke „Tekuća pitanja“ prof. dr. Rifat Škrijelj, rektor Univerziteta u Sarajevu, povodom 70. godišnjice Univerziteta u Sarajevu pozvao je članove Upravnog odbora na svečanu sjednicu Senata koja će se održati u ponedjeljak 2. decembra u svečanoj sali sa početkom u 13:00 sati i na svečanu akademiju koja će se održati istog dana sa početkom u 19:00 sati.

Audiozapis sa 21. redovne sjednice Upravnog odbora Univerziteta u Sarajevu pohranjen je u arhivi Univerziteta u Sarajevu i čini sastavni dio Zapisnika.

Sjednica je završena u 16:30.

**PREDSJEDNIK
UPRAVNOG ODBORA**

Dr. sc. Murat Ramadanović

Zapisničar:

Belma Hajradinović, MA prava